




Tusagassiutinuut nalunaarut Pressemeddelelse

Nerisassat nerisitsisarnerlu pillugit politikki-mi atortussiat nutaat

Sooq atuarfinni fritidshjemminilu nerisassat nerisitsisarnerlu pillugit politikkip isumassarsiatialaanageranik siunnersuutit pitsaasut pillugit atortussiat pissanganartut PAARISAp saqqummersippai. Atortussiat kalaallisut qallunaatullu saqqummersinneqartut *qanoq* piviusumik aallartinniarneqarsinnaaneranut siunnersuutininik pitsaasunik aamma imaqarput.

Ringbindimi qorsummik kajuminnarluartumik qalipaatilimmi atortussiat isumassarsiorfiusartussat katersorneqarput, taamaalillutik sullissisut meeqqat aamma inuusuttut nerisassaat pillugit ilisimasanik immikkut ittunik amigateqartut nerisassat nerisitsinerillu pillugit politikkeqarnerup ineriartortinneqarnissaanik aallartitsinissaminut pitsaasunik sakkusaqalersillugit.

PAARISAp aamma Nerisaqarnermut Siunnersuisoqatigiit atortussiat Fødevarestyrelsimi sananeqarsimasut aallaavigalugit tulluarsarsimavaat. Isumassarsiorfimmi meeqqat peqqinnartunik nerisarnissaminik pisariaqartitaannut nerisaqarnermut innersuussutit qulit ataqatigiissutaapput. Ilutigitillugu atortussiat najukkami atugassarititaasut isumalluutit eqqarsaatigalugit suliaapput, ilaatigullu aamma nerisassiornissamut ilitsersuutit kalaallit nerisassaataasa atorneqarnissaannik siunnersuutininik imaqarpoq. Ullup qeqqasiornerup saniatigut aamma ullaakkorsiutinuut aammalu akornatigut nerisassanut siunnersuutit nutaatut suliarineqarput, tassa atuarfiit fritidshjemmillu tamarmik taamatut nerisassiornissaminut periarfissaqarmata.



Isumassarsiorfik kakkersakkanik pingasunik imaqarpoq, ilaatigut taakkunani kakkersagaq *"Atuarfinni fritidshjemminilu nerisassat nerisitsisarnerlu pillugit politikki, sooq qanorlu"*, tassani nerisassat nerisitsisarnerlu pillugit politikkip suliarineqarnerata aallartinnissaanut aammalu suliaqartuusut attuumassuteqartut qanoq ilanngutitinneqarsinnaanerinuut isumassarsiassat sakkussallu nassaassaapput. Politikkip pitsaasumik sunniuteqarnissaata qanorlu ingerlanneqaannarnissaata eqqanaarneqarsinnaanerata qitiutinneqarput. Minnerunngitsumillu iluatsinneqartut mikisut angisuullu atuarfiup aamma fritidshjemmip avataanut oqaluttuannorlutik ingerlatinneqarnissaat qitiutinneqarpoq, taakku tassaassammata allat aallartinnissaannut pilerisaarisut.

4. oktober 2011
Postboks 1160
3900 Nuuk
Tlf. (+299) 34 50 00
Fax (+299) 32 45 07
E-mail: paarisa@nanoq.gl
www.paarisa.gl



"Nerinerit peqqinnartut – aqutsisut akisussaaffiat" kackersagaavoq immikkoortoq aalajangiisartunit atugassiaasoq, tassani meeqqanut nerisassat peqqinnartut qitiutinneqarnissaasa pingaaruteqarnerat aammalu nerisassat nerinerillu perorsaanermik suliaqarnermi ilaatinneqarsinnaanerit naatsumik takutinniarnepart.



Kackersagaq *"Nerisassat peqqinnartut – mamartut, qungujulsumik aamma ataatsimoorluni"* nerisassanik suliaqartartunut naatsorsuussaavoq, tassani meeqqat qanoq inersimasunit oqattaarerusulersinneqarnissaannut, aamma nerisassat peqqinnartut nerinissaannut kajumilersinnissaannut isumassarsiassarpassuaqarpoq. Sassaalliutigineqarnerat kusanasaagaassaaq, tassa nerisassat maluginiutinut tamanut oqariartuuteqartuusammata.



"Isumaqatigiissutit peqqinnartut" kackersagaavoq oqaloqatigii-lersitsisussaq, tassani isumaqatigiissuteqarnissamut allagartarsuaq ilaavoq aammalu taakkununga atatillugu tamulugassat peqqinnartut sananissaannut ilitsersuutitaqarluni. Tassani meeqqat kammalaatitik, ilaqquttatik, atuarfik imaluunniit fritidshjemmi peqqinnarnerusumik ileqqoqalernissaminnut isumaqatigiissuteqarfigisinnaavaat. Kackersagaq atuarfinnut aamma fritidshjemminut tamanut agguanneqarpoq.

Atortussiat aallaavigalugit kommunini atuarfinnut fritidshjemminullu tamanut ulluni 5-ini pikkorissartitsinissamut PAARISA neqeroorpoq. 2009-mi 2010-milu Nuummi, Tasiilami Narsamilu pikkorissartitsisoqarpoq. 2011-mi novemberimi pikkorissartitsineq kingulleq Qeqqata Qaasuitsullu kommuniinut neqeroortigineqarpoq.

Atortussiat ingerlaannartumik atuarfinit, fritidshjemminut atuarfeqarfimmilu suliffeqarfinni allani meeqqanik inuusuttunillu sullissisunit atorneqarsinnaalluarput. PAARISAlli pikkorissartitsineri atortussiat atorneqarneranni najukkami isumalluutinut atugassarititaasunullu tunngatillugu immikkut ittumik pitsaassusilimmik atornissaannut periarfissiipput. Pikkorissartut tamarmik atortussianik tunineqassapput. Atortussiat aamma PAARISAmi pinarneqarsinnaapput.

Sukumiinerusunik paasisaqarusukkaanni attavigineqassaaq:

Anita Johansen, PAARISAmi immikkut siunnersorti

Tlf.: 34 66 76 / 55 55 04 imlt. anij@nanog.gl